

**NULAHUKYUNGMI PIN C-MI HAVAKVINGNIK HALUMMAQHIYUT
PITQUHIANUT HAVAAGHAT – AYUQNAITTUNUT AULAPKAIYIRYUAT
NAUNAIQHITIIT
AYUQNAITTUNUT AULAPKAIYIRYUAM NAUNAIQHITIIT**

Ilittuqhitit

King Kivgaqtiit-Nunaqaqqaahimayut Ukiuqtaqtumiullu Ikayuqtiit Kanatam (CIRNAC) avatinik halummaqhiniaqhimayut utiqtitillugu nuna havaaghakut PIN-C-mi, Nulahukyungmi Hivuani Tuulaiminiyuq (DEW) havakvigaluangat. Hamna havakvingminiq Qitiqmiuniittuq Nunavunmi, hinaani Dolphin taamnal Union Ikirahaanit (68.781824°N, 114.832372°W). Haamlangat Qurluqtuq qanitqiyauyuq ungahiaqtumik 100 km-nik hivuraanit havakvium.

Kinguniit

Havakviminiq hamna hanayauhimayut 1958-mi taimaalu qimaktauhimayut 1963-mi. King-Kivgaqtiit Nunaqaqqaahimayut Ukiuqtaqtumiullu Ikayuqtiit Kanatami (CIRNAC) munaqtiuliqtut Havakviminiq 1965-mi. Havakviminiq hamna ilitturiyauvaktuq malruuyut: Havakvilluaq Hinaangalu. Tajja, hitamauyut ikluqpaliuqhimayut havakvilluamininut: Aghaluutiqaqvik; Tutquumavik; Atatayut takiyuit ikluqpait; Inuit Ikluqpaat; utuqqait uqhuqluit, uqhuqyuat, kiniqtuillu (POL) qattaryuit tunngaviit Havakvilluaqlu Hinaatalu; ituptiqhimayut Uqhughanut tuqhuaq; ulrutiyauhimayuqlu Naalautinut Napaqtit. Haniani 200-nguyut hilalihimayut, amihuit imaittut qattaryuit hinaaniittut; ilangi katitiqhimayut hauyauplutik ahiittauq hiamitihiamyut tahamani maniraqmi.

Atiittuq tahi q hanianiittuq ungahiaqtuq 1 km-mik tununnganiani ualiniqhianit Havakvilluam ingilraaqnitarmi imiqtaqvuihimayut ahiniklu tahiraqmik, Kivalliqhiq tahi, ungahiaqtuq 1 km-mik hivuraanit kivalliqhianit Havakvilluaminium. Qanilrumi tingmitjanut milvilik upaktarviyuq apqutik Havakviat Anguniaqtit Ikayuqtiit (DND-kut) hapummihimayaat ingilraviyuq Ukiuqtaqtumi Amirnautinik Havakvianut (NWS) naittunik-paqittiutik (SRR) iliuraqtauhimayut ungahiaqtuq 5 km-nik hivuraanit kivalliqhianit havakviit. Malruk nutaatqiyat NWS-kut POL-nut qattaryuit hinaaniittut nanminiriyauplutik DND-kunnit ilaayut SSR-nut ikluqpautainut.

Ikittumik halummaqtiqhimayut 1985-mi kivgaqtuqhugit ikayuqtigiit DND-kut, Avatiliqiyit Kanatami (ECCC), taapkualu CIRNAC-kut. Aulatillugu, POL-nguyut qattaqyuut Havakvilluanit Hinaanilu, ingilrutit, amirnaqtullu hunaqtit ahivaqtauhimayut havakviminiqnit.

Tughirautauyuq havaaghat hapkua qauyihqtauhimavaktuq amihunik ukiunik (1995-2022) utiqtitinahuaqhugu pitquhianut iniqtauhimayut hamani qimaqtauvianit. Havaaghatigut

*Nulahukyungmi PIN C-mi Havakvingnik Halummaqhiyut Pitquhianut Havaaghat –
Ayuqnaittunut Aulapkaikyiryuat Naunaiqhitiit*

hapkunuuna ituptiriyumayut utuqqanik ikluqpaminiqnik, ahivailutiklu amirnaqtunik amirnaittuniklu iqqakunik, kuvivihimayuniklu nunanik, iqqakuqlugillu hunavaluit ahinit iqqakurvingnit. Ilangi kuviviuvaktut nunat halummaqtiqtauniat talvani havakvingnit havaangutillugu.

Havakvingnit Havaanguyut Havakvighaillu

Ihumagiyauyuq taimaa havaaghat hapkua aulavangniat malruulutik ukiut talvanngat August 2025-mit September 30-mut, 2025-mi, June 2-milu, 2026-mit September 15-mut, 2026.

Upaktauvangniaqtuq havakviminiq hapkua umiakku/agyaqtautikkut tingmiakkullu.

Naahuriyauyuq taimaa kaantulaaktit atuinnarianingniaqtait ingilrutit havakvingnit ukiaghami hivulliqliki ukiumut tatqiqhiutimit (Ukiuq 1) aullaqtiqlugillu hanayughat iharianaqtunik.

Havaaghanut havaqatigiit mikiyullu ingilrutit/hunaqutighallu tingmiakkut agyaqtauniat saataqhimayukku tingmiakkut iharianaqqat. Utigtittiyughat pitquhianut havaaghat naahuriyauyut iniqtauyaamingnik ukiumi aippaanit (Ukiuq 2) kinguani tamangnik ingilrutit kuvvikkuillu agyaqtauvingniat havakvingnit.

Havakviinit havaaghat hanaqiyaghallu ilauniat taapkua:

- Agyaqtaqlugit havaktighat, ingilrutiit, hunaqutit havakvighaillu ikluqpait, uqhughallu umiakku tingmiakkullu.
- Manighilugit hanaqihimmaaqlugillu upaktarviit apqutit milviillu.
- Hanalutik tupiqtukaffungnik.
- Havakvingnit nunanik halummaqhilitik.
- Hauhilutiklu halumailrugit nunait ahinit iqqakuqtaghat.
- Ituptirilutik ikluqpangnik havakvingnilu hanayauhimayunik taimaalu ahivailutik munaqhilitiklu amirnaqtunik hunaqutinik
- Haulugit hauyauhimayut iqqakuit manighilugulu nunam qaanga aajjikkuihturahuaqhugu tajja manirauyuq.
- Katitiqlugit, halummaqlugit, tughuqtiqlugillu imaitjakuit qattaryuit.
- Katitiqlugit aviktuqlugillu iqqakuit.
- Aviktuqlugit, katitirilugit, puuqtuqlugit tutquqtirilugillu tamangnik halumailruliit nunait, ingilrutit, hunaqutit iqqakuillu (qayangnaqtut qayangnaittullu).
- Hauhilutik atuqtaghat nunait manighitighat nunamik tamangnit hauhimayunit.
- Ituptirilutik tupikvikaffuit piyaraiyaqlugit ahivaqtauyughat.
- Agyaqtaqlugit uqhughait, hunaqutit ingilrutillu havakvingnit agyaqtauyughallu katitiqhimayut nunait amirnaqtullu/amirnaittullu kuvvikuit iqqakuillu taimaalu
- Iqqakuqlugit tamangnik nunait kuvvikuillu havakvingnit ahinit iqqakuvingnit.

Tupiqtukaffiuyuq makitauniaqtuq havakvingnit havaktighanut. Havakvingnit havaaghat maliguattiarahuat pitquyauhimayut munarilugulu imaq; kuvvikuit iqqakuillu avatiit ihumagittiaqhugit. Anngutighanik munaqtiqaqlutik, angiyunik aghaluutinik aquyunik, havaktikaffuillu havaktitauniat qanilruqnit nunallaarnit ayuqnaitpat. Naahuriyauyuq taimaa

Nulahukyungmi PIN C-mi Havakvingnik Halummaqhiyut Pitquhianut Havaaghat – Ayuqnaittunut Aulapkaiyiryuat Naunaiqhitiit

havaaghat hapkua 25-nik havaktiqarniat talvani qakugukiaq halummaqtigtaupluni iniqtauyaaminik.

Hanalrutighat ingilrutit aghalualgit nunakkuurutiniklu aghalualgit qulvahiunnngittut atuqtauvangniat havakvingnit. Naahuriyauyuq taimaa ikiniqhanik ingilrutinik ihariagiyauyut atuqtauvangniat taapkuatut, hauhitit, pualritilgit hauhitit, nunakkuurutit, aghaluutit, mikiyullu uhitjutit, qanuqlu. Uqhuqyuat uqhughallu ingilrutinut, puplait (uunaqutinut havakvingnit), puplalgillu kaassiliit havingnik uluutighat puuqtauniaqtut agyaqtautilugillu havakvingnut atuqtauyughat havaktillutik.

Maliktauyughat Avatiliqiniqnullu Munaqtiuyut

Havakvingnit havaliqtinnatik, tamangnik iharianaqtut piinnarialiutit angiqtauyughallu piyauvangniat talvanngat Nunavunmi Parnaiyit Katimayiinit (NPC), Nunavunmi Avatiliqiyit Katimayiit (NIRB), CIRNAC Nunaliqiyit Titiraqtiit Nunanik Atuqtitauniqmut piinnarialiutit Hauhiyullu Angirutait; Nunavunmi Imaliqiyit Katimayiit (NWB) Imaqmik Atuqtitauyaamik Laisiutainullu. Havakvingnut Kihinnaq Munaqtiuyut Parnaiyautighait titiraqtauvangniat havaaghat ilaulutik parnaiyautit Irininaqtunut Kiuhitighat, Kuvittailiniqmut, Anngutighanik Munaqtighat Kuvvikurniklu Munaqtighat.

Inuuhigattiarniqmut-Manighiurniqmit Ihumagiyaghat Katimatjutighallu

Havaangutillugu hapkua hakugighainahuat havaqatigiiktunik aulapkaqtitaunilu taapkualu nunallaarmiut Qurluqtumit. Nunallaarni katimapkaivangniat havakviillu nunallaarmiuniklu havaaghat hapkua aulatillugit.

Kaantulaaktighanut uuktuutighat havaaghat iliqahiutiniaqtut pitquyauhimayunik taimaa Inuinnait ilauyaamingnik halummaqtiriyunut taimaalu ikayuqtauyaamingnik manighiurutinut ilauyut havaaghat taimaa ikayuqhugit Inuinnait havaaghaqhiuqtut, kaantulaaktinut ikayuqtiit, ilihaqpaalliqliqnik ilihimayaghaniklu ayuiqhayaamik.

Taimaaqtiqviit

Iniqhiyumayut halummaqhiyut ihuaqhailutauniat maniraqmik DEW Laiminiqnit taimaa ihuilutaittaamik amirnaqtunik inungnut avatinullu uumayunut hivunighamilu munaqtauhiuriami.